

知
足
齋
詩
集

知足齋詩集卷第十七

壬戌上

大興 朱珪 石君

元旦蒸紀

旭日先春斗轉寅華胥人壽氣新新

天心至正恆能格

聖孝無方異用申近悅遠柔鳩扈樂文脩武定旄魚溱

老臣拜手芹暄獻

惠以誠行萬化淳

今夕

今夕春氣動兩股如沸湯躡盤轉蘇蘇筋絡鼓震陽沈

痼庶有瘳勿藥喜可將卽此喻凍餒衽席登平康坐見
德澤布顛蹙皆洋洋一身何足道吾其歌虞唐

恭和

御製上元日作元韻

第一

天心到處佳日暄風與鼓根荄知艱乃逸

皇惟省望月從星

帝有懷東北調刁催苗發西南簫勺盪垠涯連朝燕豈
揚休意領取

膏醲民脈諧

恭和

御製上元後一日小宴廷臣卽席成什元韻

時數臣福先民福月滿

天心印

睿心片刻咨謀廛在遠四方憂樂祇求謀俾予從欲應
徯志惟

帝其難欽念忱獨媿驚衰無以效五宵莫罄報酬深

題龔梅巖別駕小照

桂樹婆娑菊影橫窗虛引月入懷清官衙風景閒如此
相伴琴書亦有情

十年翰墨逐旌鞍小隱何如中隱安今日畫堂容棨戟
汾陽姑射臥游看

莫羨專城五馬豪楫霖有分也難逃懿侯清靜真堪和
醇酒遙應隔舍囂

恭和

御製御文華殿經筵成什元韻

文華祕閣盍裾簪旭日春輝翰墨林懸象星辰環太極
轉輸地水格

天心德風自可觀民我壯老何須直尺尋

帝訓昭垂臣莫贊嘉謨誰解

肝宵深

古藤歌

帝京紫藤何處好城南呂宅猶龍矯根蟠西院花冪庭
今過其廬他姓保天卿清祕藤花廳我曾列坐歲月經
春風婀娜丹綬若夏雨颯沓瑤建瓴海波寺街竹垞豔
琉璃殿巷荆山占此屋到我卅載餘未遑信宿花空爛
西園樹古憶蔡程重來不見珠垂瓔對花感概亟架構
雜蒔芳樹開窗楹客來載酒同歌罟樹猶如此人何著
四松五楸安在哉與子且醉花間爵

初八日游極樂寺卽事

鸞旂送西郊
遵路楊柳嬌
浴河清于沂
暮春宜風詠
言尋招提幽
花事續紛盛
將離映坐妍
欒枝迎陽艷
木香馨逾樾
山茶紅照檠
槐公饌何腴
梁園雅遇并
我衰苦支離
坐石聊適性
韶年如春木
鮐老羞對鏡
詩思澀欲無
何敢挑敵橫
看花及芳辰
莫放春光迸

擬氣出唱

神人在何所
驂駕六龍龍
伯垂綸釣六
鼇海水倒立
但見蓬萊方
壺離合東瀛
中壺中壹壹
有氣母萬道
日月出入窟
凸溟濛喻張
吞曠之百竅
如湯煎火井
然燄燄元女
娛繡之投身
試浴洞見冰
雪膚熠燿珊
瑚丹玉心

不敢動氣汨汨澆湧泉塞兌閉目內視天關覲我雄一
週元夫乾施坤受守其雌萬流歸壑羣仙拍手笑樂不
可言口唾碧丹踞而咀之心怵惕惶惶與一日萬變待
我雄不來思之不敢誼天賜有娠保護我天胎恐辜天
恩百二十刻璇璣周天行覲面若有人夫耶子耶呼我
類我親而不尊守心太空萬魔來嬈緘默不覩聞仰望
天門開玉樓金闕帝所巍巍億萬玉女香散透臍肝傾
甘露天漿灌體滑且寒化嬰倏忽不知倪端願千萬日
夜抱吾一守而勿失於千萬年

擬精列

天地何權輿至精爲苞符萬物所變息胎卵溼化同一
初混混肫肫或雄而妃或雌而夫離之則兩傷合之則
交孚合而必離曰命在彼非我所久居至人觀物外無
始誰爲樞載營魄抱一常以予人已更餘垂天有鵬北
溟有魚莊生養生主至美至樂猶龍食太虛吾師乎稽
天赤地超萬劫不可以燕濡

閒居

居閒慵親書出門思把籍人情苦無恒鼎鼎度何益生
天不識字恐爲神仙謫不見抱朴翁勸學飽祕策防哉
秉燭光旣盡猶做抑

游臥佛寺

飛泉西北來，匯爲數畝碧。琅玕合蚪松，涵映天光碧。其
東化人居，丈六臥迦釋。睡蛇斫已空，安眠淨營魄。庭前
娑邏樹，方廣下布席。紫荆間丁香，交光荼火射。愛花豔
不著，解脫眼根癖。仰觀參密藏，洗心天咫尺。

對花作

花香與花色，神觀清我心。和風送微雨，卉木皆懷歎。終
日聊盤桓，獨賞愜幽尋。有時來佳客，取酒亦共斟。吾老
窘視履，百匝繞徑深。此疑玩物癖，實鮮根結淫。博奕猶
賢已，況茲生意臨。

園中牡丹初放

我暫城中行旋來花已放牡丹何旖旎迎我笑而貺初
開猶頰俾曉沐乃冶颺婀娜五六苞色香斟朝釀鮮妍
淡有光醅豔濃無當一顧與目成百匝還神王旬期紅
藥翻邢尹誰避讓愛花吾豈婪根寄心卽曠

花開

花開十三朶豔豔已五朝我將暫別汝旋及清和韶敢
期長婉變尚欲畱歡嬈呼丁好將護謹障風日歛屏以
青松枝厠以庶卉絲染衣香滿挹酣耐醅更嬌娛光一
眄睠何必魏與姚逮彼將誰發序御聯翬綸

取道極樂寺看花

木香香滿棚，牡丹葩千朵。竭來極樂院，花事豔而夥。問
僧鮮客游，好事尚屬我。城中多冠蓋，不顧雲茶癯。我衰
強遊觀，自慚足力跛。有孫扶我行，取興聊適可。鼻嗅與
目指，奈此香色媚。何如病居士，花散天女媵。

題順治十八年縉紳冊

五朝文獻舊官冊，宗伯藏弄貽厥孫。公孫好古持示我，
索我題句尋根源。序言丙戌訖辛丑，馮銓金之俊殿閣

領鳳鷄范公

承謨

讀學業

映樞

吉士後以節烈名不諛

揚州推官風雅伯

阮亭

蔣超史

大成

徐元馬

世俊

列鼎

元宛平

王

掌翰魏

柏鄉

掌憲此其大略他可論畫枰推

棊水逝壑刻舟求劍雲移根姓名階級自顯晦薰蕕涇
渭誰類潘竹書攷年器辨代實事求是可據援還君珍
重好什襲他年寶比君家獻

恭和

御製御殿傳臚作元韻

校比三階擢秀林綏豐七德兆來琛通經致治先無逸
承

命掄才敢不欽

聖作郁爲多士式

天心勤軫保民深
臚雲應念臚歡徧
猶及清和早化鍊
子昔作鄭孝廉振圖爲兄割股詩以爲從無故實
眞絕行也偶讀宋景濂浦陽人物記載鍾宅劓肝
愈母病從子明亦割股療母及明有疾明弟滿又
割股療明皆瘳乃知爲兄割股古有其人矣作詩
紀之

割股治兄鍾滿先振圖至行詎孤鶩浦陽閩縣成雙絕
誰譜鴿原急難篇

顏舍侍疾久如新
天顯無方比事親
雀鼠乾餼行路惻
推甘分少又何人

題如臯冒氏重修水繪園圖

名園水繪賦江南勝蹟漁樵紀夢談五世雲仍重肯構
幾人觴詠重朋簪

恭和

御製午熱元韻

姤梀陰已升巽鼓膏渴降長晝井繙寒中天織張絳飼
稽牛問喘割麥烏催稷擊哉咨暑仁

重闢念隘巷矧伊萬里外貫風競一闕

德滂觸石膚淨洗來往憊

夏至後三日池荷始放門前流水亦通喜而有作

芙蓉生清池昨夏爲潦傷常恐藕受損補植思芬芳今
茲雨未渥水涸游魚妨決渠引曲水涓涓流遽央卓午
蓮放葉馥馥隨風揚出門睇我池演迤將繞塘檻泉日
夜滋花葉激濫香長羸足休夏茂對宜常羊吾衰久矣
夫此愛古可方園居樂復樂酌酒聊共嘗

舊蓮旣敷英新蓮行吐鄂遙知初伏交朱朱閒白白叶
今年花事好四序華灼灼蜀葵頽而長五色爛離落萱
葩粲黃金石榴渥丹蘂月季謝復開未肯暫寂寞玉簪
宜髻鬟夜合垂瓔珞好色夫何淫目成對綽約何當好
雨來相賞更歌粿

食園杏戲柬趙

謙士太常

味如崖蜜色眞丹
珍重園收得薦盤
最憶春時花爛漫
喜今至後實團圓
底須虎守慳仙果
不管漁謳覩學壇
爲人竊食
過半矣分與東鄰聊解渴
太常泥醉可加餐

題萬和圃學士南溟春濟圖

瓊雷海道八十里
乘槎使者便往還
其間風信有遲速
中孚利涉殊易難
萬君航海作長卷
誇我倏忽凌灣濶
天水迷濛接上下
然犀不復窺神姦
中流呼洵地輪噓
舉杯秦定天光閒
半更未到巨礮作
迎吏踴躍歡童頌
鯨鯢那敢颺明月
木棉躑躅開滿山
先生自是舟楫王

三年報政知恫瘼祇今 承華侍清禁直諒爾雅何彬
斐乃知大觀難為水學海有術誰晞顏

六月初九日法時帆學士邀予遊極樂寺遂至畏
吾村拜李西涯文正公墓紀此

極樂吾熟游茲游興非偶言尋先正藏得自學士手西
郊畏吾村大會寺之右磊磊五代邱祠堂奠樽卣當年
西涯公文采麟鳳徹密勿宏正朝用意良忠厚清風五
十載不祀悲鬪穀豐碑失麒麟耕壟夷部婁學士求荒
榛前身十八叟豈惟臭味同稽古獨尚友我來弔九京
蓋棺誰不朽喟然古達人一視彭殤壽

題高忠憲公遺像

天啟甲子夏六月二十四罪楊抗章七月萬燦死于杖
委鬼兇燄燎天燭是冬高公趙公罷廣微呈秀獅子狂
五年遂逮六君子黃芝開獄挺火湯六年緹騎復肆出
忠憲不辱懷沙僵去來從容真脫屣池水不濺蓮花香
後六君子死更酷逍遙公已歸天間平生講學在主靜
定力天勝人詎戕我公儒者豈好異正命而死殊巖嵒
撫公遺像致景仰錫山梁水同巍長

菡菖

菡菖開中池繞我屋四周東橋亘西橋葩發何綢繆屋

北我新植花葉清而幽門東溝水淺有藥玉色抽朝夕
送芬芳色豔香風適今夏伏雨好夜作晨霧收豈惟宜
多稼花事膏沐優雜卉閒紅紫層迭不肖休大魚時潑
刺鳧鴈宜泳游何須問濠梁卽此真蓬洲

蔡母李孺人節孝詩

錢塘與臨江江水會海同公孫與公子宦跡聯山東公
子隕于北甌孤方幼沖從姑上蜀道崎嶇歸屢空晝菽
亦有圖鬱攸燔厥宮固窮三十年教子登瀛蓬捧檄非
足喜色養宜花封惟將清白志報此艱貞衷豈惟揚潛
徽卽以勵德風他年甘棠蔭長倚孤生桐

廿日扈

鑾啟行

清晨會清河

鑾輿猶未屆昨宵北山雨淋溝勢滂泮秋風氣已清塵
坩絕纖芥

前席咨行殿西南厪蜂蠶

聖舉惟勤民繼序此時邁匪遑亟豫遊詰戎撫蒞价遠
盱早洗戈雨暘念江介愧難慰

堯心何能贊益拜

密雲道中

石槽侵夜雨三更月吐光風興過懷柔白檀涉河梁金
盤倏晃耀沈瀼升東陽秋氣皎澄露三伏暑不亢道塗
免行淖高稼堆積梁此方幸有秋庶無旱潦傷安得畿
甸地歲歲若雨暘

夜度南天門出古北口作并柬梁譚二世講

下弦月仰懸金鉤天門直上光摻流十里出隘古北口
古來界劃如鴻溝 國家重關不外閉雖有天塹無庸
修馬鳴蕭蕭駝叫閻千乘萬騎爭牽樓木蘭秋獮示撫
馭四十九部隨軀媵灤河百折匯衆派秋潦未漲深踰
駟金溝館接牆子嶺地險豈必勤干揆憶昔乙巳初扈

從會稽相國追舊遊科名同館感閱水偕來小鳳期弓

裘

梁文定之子承福

我今老矣愧竊祿安能裨益經國猷後生

可畏才要勵譚公有子詩弼彪

譚蒼亭侍郎之子光祐

撫時曠覽

各鳴盛看爾角勝出一頭

青石梁

青石梁高崔巍當關虎豹搖牙憚碣磳碗不得度萬
馬蹴石屯雲雷我乘輕軒徑超越涼月正照輝天陔設
逢潦雨阻行旅旋溇而止車輪摧或當辟重更軒輕蟻
行磨中馬虺隤萬夫爭道馳腫背石淙飛瀑愁湖洞東
有黃土梁斗下溜滑僵駑駘乃知地險窘跬步我適天

幸歡輿儻昔登衡行上泰岱南轎函粵東溫台每當跋
履思少壯老矣跛蹇吁可哈客有誇我健磬控解嘲聊
舉桑落醅不見霜鬢今皚皚待我羽化游八垓

宿灤平

常山夜雨聲斗覺秋風瑟五更王家營潦集泥滑滑平
明紅石巒跋涉防躓蹶翻思踰峻梁霽行輕翠嶺灤水
流湯湯匯注何清潏別墅初肇闢雄邑近建設山莊彼
都會 翠華此經蹕原田若雨暘高下彌穉稔省觀慰
宸心捷郵履遠役明晨屬車憩送喜及柳蜚

廿六日駐承德紀事

廣仁嶺隔山陰陽敦圉雄踞開仙莊左對錘峯拱突兀
武列蜿蜒流滂滂是時秋雨夜達晝滑澁人馬虞顛僵
翠鑾甫臨喜氣奏西秦磔狗爭刳益七年餘孽行掃
蕻蒲葦根斷天肅霜 聖誠昭格通盼蠻如願

靈佑增感傷止戈歲武紆 廟算民亦勞止汜可

康中廷外藩歡聽覩 德威皇矣人天慶殲渠捷聞

七日得 啟蹕 駐蹕期適當惟 天助順近呼

吸詰朝宴惠疇無疆

如意洲

賜食恭紀

蓮花豔水泛輕舟湛露

恩承如意洲三奏繞梁聆

御樂肆筵近尺飫嘉羞宴傳慈惠加餐飯佩重絲綸結

綴旒

蒙

大小佩囊

賜

親切

天顏方有喜快瞻新霽豁清秋

趙謙士太常

御前試射連中五箭

恩賜花翎作此奉賀

趙君翰墨久擅場兼精射藝能穿楊扈

鑾策馬試武健矯捷上下凌高岡工書彙筆不停手期

門校射排精強

召命文臣與決勝是時觀者如堵牆君獨春容氣志定
一發五矢鳴鵠當所然

天笑侍從愜翎冠

特賜影飛揚今之英少農昔有于文襄風流文武兩照
耀清班儒服誇書房羨君巧力千夫良射侯獲福聖所
臧我今跛蹙甘袖手勝爵酬醉須連觴

奉賀戴蓮士晉升兵部尚書兼管順天府尹

西江清望屬龍頭台斗人欽第一流指日六師方獻愷
從風三輔佇升猷受羊有兆宜求牧大馬無心試捶鉤

恩近絲綸親切地排雲阿閣及高秋

上親射鹿分賜恭紀

卽鹿

御園中應弦喜得雄割鮮榮拜

惠嘉獲卜成功厭屬軒膏旨

恩霑福祿同

聖能兼巧力

天道示張弓

八月初二日奉

恩旨朱珪著以戶部尚書協辦大學士仍加太子少保

衡恭紀五言古詩二十四韻

昔在

高宗朝受知早特達藉壇蒙

清問汝學班揚頡將試汝政事繡衣察閩越三年方攷
績擢官陳時臬楚北更山西七載价藩列歸復舊巢痕
承華侍佔畢睽違遠

光輪司衡遍甌浙洊升貳邦治倏持六皖節竭來度五
嶺開府兼牙鉞蘭臺總天憲司馬掌九伐忽承甌卜

命負乘豈或尼迴翔移故治魁能仍踐秩星槎近而遠
望望阻八月摧心

環召速吞聲慟過密麻衰謁

敷重前席愴契闊夙昕接

升墩灑涕哽喉舌銓宰轉農司體國愧密勿

經筵與論思殿个橐筆札授書謹疑承羣館紉會稔德
薄貪天祿覆餗致顛蹙何能裨

高厚況值 訪遺闕

綸閣拜參知 宮銜榮滿拂

兩朝重眷遇受寵驚怵慄永矢五夜衷

天咫尺光照徹

恭和

御製憶昔元韻

先聖

後聖同一心近悅遠來先民事開門明燭洞四方何止
周諷中外吏監于典則無愆忘知厥艱難從欲治害馬
既去羣黎和牧人有兆欽

天賜

恭和

御製出古北口元韻

雲度天關迴羣藩仰

御聽

龍光欣颺旆麋至卽除戎灑水東流峽賓鴻北遡風三
秋臨塞野霜露愴

宸衷

恭和

御製至避暑山莊感述元韻

神光地水思悠然到處瞻依仰

在天玉宇瓊樓儼陟降露來暑往總縈牽山川風景今
重莅都會人民夙締緣

謨烈照垂憑赫濯

遺庥億禩慶綿延

恭和

御製至避暑山莊喜接經略額勒登保加緊奏報官兵
殲戮首逆苟文明剿捕餘匪各情形詩誌感慰元韻
捷書電掣雨淋鞍洗甲殲魁兆庶安七日獲嘉符晷刻
諸天佑順示艱難蟹蛩負走山無路杵臼投巘劔已攢
送喜臚呼翻涕淚
於昭威克賞功寬

恭和

御製延薰山館元韻

卜畫

八
明

好賜分

二十七日蒙于如意洲賜食

軒開席近引南薰靜聆鈞樂

諧絲奏先泛仙洲棹麴紋芝閣巍然瞻

黼展榮光是處仰

奎文香縈禴結慙餐素願上幽風寶儉勤

恭和

御製八月朔日作元韻

白藏申酉交金氣亢而蝕天行固有常備無懲一極
皇心惕儆予日變先脩德周諏省闕遣克己納諒直

主聖

天不違臣庸官曠職蒙肯蔽光明何以察郡國天遠民
事邇水旱憂盜賊人各思其居庶幾咎可塞鏡照懸太
空何能遜魍蜮

至尊豈獨勞凡百戒燕息

題別館

山莊置別館亦復樹雜英乘時爛漫開欣欣向我榮寓
目有生意秋雨正好晴此館誰所承相國王韓城引年
近杖朝進退何分明可爲垂老則桑榆無戀情 國恩
詎易報天道有虧盈後來盍鑒茲神聽當和平

晴

昨晨竟晝雨今早喜快晴關我三徑荒列植秋菊英待
我歸來期吐蘂挹袖盈如何視傳舍假觀無虧成不見
叔孫媯葺屋如始營流覽涉成趣吾其師淵明

種花已滿園花氣自芬芳雨露漑優渥秋陽借輝光天
時會培植物理隨榮昌豈不感節晚黃英飽耐霜蜂蝶
爾何意草木性有常

連日

頒賚

親射鹿肉恭紀

賜腥一發獲連雙鋌險何能避捷縱蕉夢無心登豆鼎

菁藹有骨實菹缸萑苻豈耐經霜瘳國瘼看摧吠雪尤
共仰

神威驚服不有嘉折首孰先降

蓮士大司馬次韻見賀用前韻荅之

羨子三公尚黑頭看予積水閱前流清風儉德先畿服
靈雨仁膏播遠猷九法均邦方振鐸六廉察屬本無鉤
平生原不求溫飽鼎軸功成萬寶秋

八月十三日恭拜

高宗純皇帝聖誕節

厚澤深仁六十年

雙懸麗照

九旬天鼎湖何處追遺挂桂節長留未滿弦特達文章
知遇早對敷中外委埤專捧持

丹筆絲綸論

簡在心期

嗣聖傳

萬樹園

賜宴恭紀

按轡流杯亭駐策萬樹園枕山臨清流卉木森蔭繁中
園張大幕皇邸雲龍屯諸部各拜覲廣樂陳金尊象寄

與昧任鞮鞻更譯繙域中仰四大東見升曦暉更捧錦
綺

賜爰閭頌炙燔中外此會極百年植本根綠毯鋪地淨
呦鹿羣孳蕃禮成愜觀聽曠奧遵山樊

賜宴于雲山韶濩恭紀

天高紫塞翠周羅節到中秋氣爽和張樂咸池龍鯉躍
比音桂殿鳳鸞歌

恩聯藩部王公貴榮逮文臣二五多

軍機處五人內
廷二人與宴

加賜珍儀

德意厚要陳彌性遂卷阿

惜老馬

老馬識人意乘之將四年夙夜入金門不假揮策鞭主人不善騎賴汝馴且便前日借汝力款段宴禁園如何首紫塞中道忽蹙顛傲帷不得施往生懺汝緣

英煦齋少農有作見賀次韻奉報

獅園走馬氣何隆

是日園發煦齋走馬來告

綸命星傳溫室中慙說輔台協清議勉調徵角應黃宮

彈冠正際時升會

數日內同行諸公戴潘

龍命簪筆交推日

贊功天玉懷琛濟世美國香慎耦憶先公

先公大宗伯有隱德卓識

在人心口故云

知不足齋詩集卷第十七終

知足齋詩集卷第十八

壬戌下

大興 朱珪 石君

曉行次梁昌祿中翰韻

山行不覺曉竟夜皎秋月金輪亘中天萬里鏡燕越鬢
鬱表樹森疎密閒林樾梁稼高于人腸潤豐蒼粹山形
忽曠覓峯起勢犇峯憶昨雜梅雨畜雲興也勃虹梁挂
天弓截斷銀漢闕不然我馬瘡鯁怒漲窮髮豈如扶桑
瞰直貫婆婆窟行露快夙興險易殊倏忽君看朝霞爛
九光隨燄發晴途實足豪蕩蕩視岫岵

張三營

距口卅五里風景鋪平莎牛車力載重不獨事馬馳重
關界邊幅設險意則那王者大無外重閉防守多乃知
乘地利尤在人心和易稱顯比吉三驅義不磨

入崖口

初陽爍有稜萬象晃開雪峯峯插笏抱欽砢峭而陋橫
度數道梁厲水猛在柙屯騎爭一線駝馬喘呀呷入崖
樹草香甘肥牧芻甲小獵阿圭圖罨雉兔不乏一發獲
兩肩馳薦告享祿晴暄宜驅獮歡騰衆情洽臣駑無能
役輦路從轍俠願颺我

德威一蕩楚陝峽

沙岡

沙岡實首圍

御箭獲三鹿雲陰羃四野飛雨未灑箴習勞示詰戎馴
遠亦柔服獮成蹕 帳殿始覺霏滲漉旒旛排幕張漑
澤秋氣肅行人仰光輝翹首祝晴旭

晚晴

頒賜甕子恭紀

紅葉滿山明夕陽喜放晴充庖

分野獲異饌到書生

軫雨惜羣力行圍佇五更

命明晨
行圍五鼓再定

遙知巴彥獵

快意馬蹄輕

喜晴

今日看山分外明
紅皴翠疊畫圖成
獸肥草淺宜追獵
馬蹻弓嫻好射生
天意恰隨人願捷
輿謳遙稱聖田情
其羣孔有眞蕃富
不數虛亡賦長卿

英煦齋少農獲雉見遺卽用其入崖口詩韻奉謝
君家傳經比歆向
策馬雲峯窮變狀
文禽決起得其雄
五色離披萬夫望
大獸公之小則私
惠而誇我何豪宕
射雉一矢譽命豐
獲鹿有嘉氣用壯
前日入崖詩絕工
文嫻藝美天才放
我欲和之羞雷同
避艱就易非敢妄

君應恐我老無能不知所報求其當遲日歸來興有餘
再發麟駒貢甲帳

那爾蘇台梁西山根紀事

山形陜而櫛峻極踰層梁螺旋更上上蟻折盤高岡昨
宵秋氣肅晨起白露涼暘升照晃耀紅樹烘青蒼傍午
駐山根飛捷掣電將竹溪大師克秋望屠封狼蒲盧投
絕崖倒挂貳負僵大小馘兩耳左右不相當窮殛信有
徵芟割董莠稂七年芽蘖盡餘醜秋蝸蟪從此巴蜀秦
蕩滌天河滂送喜正恭默是日忌辰不行圍世宗一誠通
上方中外動聽觀於赫揚

烈光我

皇洞黎赤謙益遵虞唐

巴顏布爾噶蘇台大營

秋夜肅已長微霜下百草晨興襲我裘彌望亘顛顛缺
月尚在天朝陽未出杲俄頃煦溫暉山色圍翠葆移頓
廿里近遙瞻扈黃纛大庖非充盈狐兔跡已掃以茲喻
巴蜀疾風振枯槁功成不再發強箭穿魯縞

賜鹿肉疊前韻恭紀

嘉賜連番已疊雙

肉凡四次 頌賜鹿

期門試手捷飛鏃橫經

正席談腥薦染指賓筵侑酒缸驅牡從肩憑駿馬

應手載騎老儒生慚愧饜

天祿計日功成贊受降

度草帽梁

上梁山以陽下梁山以陰戴笠復覆笠圓窳何嶮嶽東
南轉西北巴彥富有禽鼻麋麋麋塵伎伎何駸駸虎貍
遠遯逃狐黠迷櫛樛雉子飛不高決起還出林四更月
朦朧仗飛入山林當午日照耀太乙

王中心詰朝將安止後夜分秋傘

帝車漸南指平且中紫參

英少農獲鹿蒙

賜黃馬挂詩以賀之疊前韻

羨君姻婭獲連雙

是日令姊婿散秩大臣伊同拜

賜服絕力相逢湊鏃

鏃

寵錫黃衣榮跨馬快浮菊酒醉傾缸藝精天巧能穿革
賞懋人功異指尤多少材官環扈從春容儒服自心降

鄂爾楚克哈達大營

移營十里近張圍百里遠昨夜雨瀟瀟五更月出坂紅
雲映四山白雪集高巘非誇射獵雄意紹天行健今朝
猶東山明晨陟西圈地極夕陽陬馬首踰梁反是時秋
正中平均適潤烜興安亘大嶺按策匪駿踬四隩本一

家豈域中外樞

那繹堂閣學獲鹿

賜翎賀之

封侯射虎本非難

三錫重申耀弁冠世掌從知美池鳳書生何必斬樓蘭
羽儀達漸先章服袞繡階升視礪聲夙夜寅恭

天祿畀公家報

國一心丹

賜鹿肉恭紀

五鹿折其角麋亦曰辟鷄力原馳峻阪均惠班書惟書
房

四人均

賚

貳農獲有功

煦齋

閣學勞不辭

研農

太常健翰

矢

謙士

而我安朵頤素飽應自媿養老人不嗤

君恩自膏潤鼎食詎悔虧酌醴燕朋友餽餘逮儻斯菲
祿勿貪天內省愼厥思

玉研農閣學射鹿

賜翎疊贈那繹堂韻賀之

盤馬彎弓巧示難功高勞苦獎儒冠端人自詡勤經案
藝事

天教校上蘭連日同袍矜意氣今朝側弁絢纓鞞星馳
昕夙原無負影翠威儀好點丹

度樺皮嶺

桑下不三宿樺嶺遵以南嶺陰風烈烈嶺南日暹暹乃
知地氣隔秋仲均燠嚴此嶺亘大嶺亦據興安尖乙巳
初扈從跨馬聯靳驂紅葉豔霜楓豪氣誇蓋簪粵游度
梅峽皖陟凌黠濶峻極五嶽外絕磴峯排籤石骨間土
肉重艮山斯兼竭來十八載老矣扶筇慙桑榆勉學道
游戲低叢蠶

九月朔日夙興

循環晦朔交昏旦秋平秩吉行暄向南大獮功將畢扈
從虛跨馬紀述祇橐筆經邦愧坐論賡歌勉諒直勞苦

恤輿臺蹇拙戒趨蹙耳目思其官默存守吾一

阿濟格赴圍大獲蒙

賜鹿麇作歌蒸紀

天祿拜

賜今七番阿濟格赴數獲蕃九月朔日大獮獵禽投獸
竄交夙躡有虎敦圍出林莽伏飛爭暴氣已吞攢予利
鏃血手戰震吼禡魄空睛暖麇麇滿載獻厥尾生捉獮
貉舍利獮乾豆充庖更均

惠儒臣載筆慙藻鞮薦腥有典歸奠俎餒及眷族榮

君恩書房閣部荷兼賚素餐戒得懸鶉貍祿不期侈屬

厭喻知止知足猶龍言鼎徵折足覆公餗退食三省心
自捫

微雪喜晴

霜凝零草木日出猶未晞青紅好山色豔染環翠微冷
風不知寒卓午尚易衣雲容已解駁霰消煦晴輝伊遜
六道河計日將弊圍出崖憩仙莊盤山徑駢駢瞻望
松柏路蔥鬱朝

橋巍

伊遜河

伊遜九曲出崖口發源西拉淖爾南盤腸詰屈山腹轉

開張面勢隨峯嵐架木爲梁土茨覆驅馬爭過防絃驟
厲深揭淺互跋涉誰云咫尺劔可函飛潦湯湯或滅頂
中流一壺那敢探我今揭來快晴霽輕軒穩度行趨趨
坡賚近與永安接東西相望山之龕紅蒼罨畫引遠眺
清澈漱石料澄潭

翠華陰羽獨將竣朏生鉤月緼初三捷郵火速慰
宸厪大武上告功全懌

賜鹿肉八次恭紀

坡賚亦孔有田禽多且阜黑雕翅大身赤狐爪絕柎此
皆生獲之麗龜兼麀牡六官荷

頒賜受祿豐且厚麋鹿皆有軒乾豆薦其肘歆饗實
君恩廟用榮鬯卣養老飫孫曾族食均割剖豈忘貪多
戒飽德歌醉酒願祝天下肥廣攬麟鳳椒何以效葵芹
饋鬻循牆走

六道河

山屋水應整盤河六曲流
吹圍期判月高朗尚中秋
扈御承

恩數來蕃覺報優前驅
行出峽獲稼正棲疇

出崖口

萬騎爭驅入崖口
峯欽水折石滑陡
今來魚貫繞山行

峽內霜楓峽外柳

聖人克詰非從禽在宥天下欽

堯心卽看東北來皮弁計日西南盪輝稜

五陵眞氣成龍虎綿亘

橋山接天柱千秋

孝慕見羹牆

十武功成告岷岫

翠華右指

帝車旋夾路扶鳩問有年

賜租賜復邦畿普人鞠人謀

宵旰先

初四日九次分

賜鹿肉明早寄到是日蒙

賞荷包蒸紀

昨宵承

諭先出口今夙傳來

頒祿厚裝駝捆載歸鞍豪鼎食官庖數八九

大賚報宴諸蕃王鈞天廣奏

黃屋張輝胞閣翟均舖餽幕內幕外睇

龍光

初五日

張三營宴
賚諸蒙古

六臣佩紫同嘉拜

拜

軍機五人與

賜者

臣而
六 繡錦荷囊榮結禴匪伊垂之帶有餘鶉梁濡味慙
戈祓判年久慣藜莧腸飶

君之賜充羸尪莫說脯珍頤老疾願調元氣籌耕桑

恭和

御製敬題獅子園元韻

隩區靈勝溯豐園

堂構常新儼著存當日祥開繩

祖武至今佑啟仰

穹恩曼殊化界光垂照狻象蹲威勢莫捫中外畏懷
心法在大千星拱屬匡藩

恭和

御製含青齋小憩漫題元韻

仙莊西北好幽探，翠黛紅霞萬景含。
隔谷敞晴宜晃朗，當巖宿雨尚霏酣。
蔚藍天遠開朝鏡，峭蒨峯環送夕嵐。
雲路青梯雖咫尺，堯心靜對樂無耽。

恭和

御製清溪遠流有會元韻

北山出原泉，潄沸無纖淤。及其達乎川，不舍聖所譽。
澄纓濯我鱗，鱗魚媵予。豈知千里曲，乃在一鑑初。
或爲

經支匯或爲溝澮瀦從下逆在山流惡宜蠲除習坎盈
而進觀河性如如

至人會心遠天水懸望舒

恭和

御製八月十三日恭逢

皇考誕辰敬詣永佑寺

後樓拈香泣述元韻

霜露春秋愴未舒

玉衣弓劍緬憑虛四年逝水

神如在萬禩靈辰痛繫歔呼吸默通臺伯偃

音容昭格猶禽除幾誠不隔

瞻依切孺慕常聞

帝謂子

恭和

御製啟蹕幸木蘭行圍卽事元韻

地獻維藩服

天山肇域開詰戎非遠驚昭德卽因培秋

駕雨暘若時田采衛來中關豈設險四塞拓邊隈

恭和

御製入崖口元韻

諸蕃仰覲

六龍來控御登臨天塹開

堯日照人咸若煦

軒雲觸物未忘哀入崖馬驟嘶香草涉水呦鳴逐隩隈
小獵雙禽馳告捷習勤紹

武孝思該

恭和

御製永安莽喀園敬述元韻

貽謀紀獵雄厚福承

天澤此地名沙岡敦良資培益發蹤大獵始蕃錫

獲

龍文岫屢尖杓斗照星石萬禩規

禹跡磨刻欽寶冊文武有弛張剛柔互轉易

恭和

御製四宜居晚坐元韻

行殿隨安幄帟支明堂曲室巧營之靜參四美惟虛集
借鑑三餘得味宜

聰照不妨觀物我松雲何必閒梁茨若云方丈能函界
奧曠兼如妙轉移

恭和

夕人言集卷一
十一
御製參贊德楞泰奏報殲斃首逆蒲添寶全夥千餘名
詩誌感慰元韻

氛餘七載尚畱屯火烈三苞盪子魂蠢爾萑苻孽自作
窮哉荒谷臭空存屍殘倒挂髡無髮馘獻歧支耳執言
大憝愚頑何足惜救民

宵肝渙

綸恩

恭和

御製諸蒙古王公進宴詩以紀事元韻

清秋塞野闊無埃藩服輸誠

御幄開虎拜雁臣虔享禮

龍光燕滑示

恩培廣張鞮鞢親歌舞生力騰驥戲駟駮不謂
天高能俯愛勞謙崇效本恢恢

煦齋少農于波羅河屯遺白山查儉以文雉索詩
代柬奉謝

山查火實似丹丸怪底黃衣襯素紈採自龜峯殊品植
噍餘鳥喙味甘酸妝樓淡碧烘朝采筆架濃鮮點露溥
嘉果色香希自貴況承錦雉佐加餐

譚別駕子受將從天津驤使之幕用少陵十年出

幕府自可持旌麾意卽次杜韻贈其行

譚君好才器神解非授師詩筆實雄古不以宗派爲天
馬絕羈勒騰籥排雲飛武事誇健力走險塞上兒磨盾
更珥筆捷手騁好詞天欲老其材百鍊風霜威司農盟
車笠離使交新知鳶肩上火色進退秉禮儀安有出羣
鶴冑逐千羊麾暫別詎惆悵助子先人思競爽誰白眉
扶搖各有時不見析木津望洋秋水涯情移伯牙操仙
遠成連悲才難願自重踐跡非詭隨大道本康莊千里
同所歸臨歧辨南北三復無邪詩

留題別館

別館 宮城南土名曰下坡去天近咫尺梁董王隄沙
中廳與後寢十閒可婆娑左右四个俠前榮三架那其
東容廡廡其西院落除雜樹槐垂楊閒以槁菊華室後
有隙地軒敞兼盤薊榻來旬月憩興居閒吟哦葺治避
風雨恰值晴陽多愛樹緬召伯廣陋中不過此豈傳舍
歟攸芋亦安窩誰尋飛鴻爪記取巢鳳窠

小金山

上親獲鹿十次分

賜茶紀

灑水屈曲流環繞金山麓食萃自呦呦驚起走奔鹿

御鎗嫺一發捷中兆服不

頒賜及近臣

十全旅可鞠嘉獲旣從心梟雉隨五木小臣敢貪天拜
手更籲祝

度層嶺

九月十三寒露交度越層嶺何崿嶿紅石巒上旣突兀
青石梁下尤軋齧夕陽返照紅葉焰飛泉出峽清玉敲
重車倒纜六馬曳勢如灘溜絳掣梢秋晴隘滑尚如此
夜雨轂擊眞轆膠竭來輕軒登降坂視如矢祇輕龜嶠
我客前驅日未昃兩間房屈殄饑庖我行稍雲月將出

追摹逝景箭去鶻道途險易有天幸作歌共慶還自嘲

梁昌祿中翰取道密雲先歸作此贈之

子昔不窺園家學自醞釀子今偕我游詩思助跌踣後
車陟層岡駝馬爭隘妨葶食逾午殮辛苦愁潦漲崎嶇
憩山莊夢覺猶艾創開髓隄隄陳濡濡筆鋒壯揮豪何
縱橫一手兼賡颺姓名達

清問書法列屏帳入哨觀山色高爽愛瀼沆割鮮飫雉
饜意氣狎虎韞歸程每前驅回首紅翠嶂獨登天門樓
俯視極空曠勝舉向我誇神采頓增旺子非百里才志
取五鳳匠池毛認舊巢雲甲豈前讓庠奚別我去定省

北堂上揭來月再中奩鏡慰儷伉期子三春遊三盤試
筇杖

盤山

盤山脈與西山通突兀峻起京之東三盤勝絕松石水
自古爲烈名無終常年地與人傑會田子春擅國士雄
屯耕面勢據山麓感化寺蹟追遺風我來自北上西嶺
其勢陘隘低尤夔天門石梁讓陡險攀援嶽鳥愁臂夔
十八盤路如螺旋適與駝騎爭磨礪幸當天霽夕陽皎
東逮月出光曠曠礙路石蹲如虎豹圍首獐攫張巨壠
載舞萬松根插骨以石爲土歌青銅坡陀下穿倒茄插

蓮花嶺豁流滾滾明春暢游好登覽陟奇賞奧探無窮
二十八日到閣仍至翰林院拜

廟恭紀

輿誦新參黃髮詢題名二十六科陳四登瀛島仙班甲
戊辰乙未己未
教習至今凡四載拜

綸扉

異命申

乙卯奉
將召入拜大學士

高宗硃諭

恩重敢云調鼎變幾先何以贊陶甄臣今老矣慙鳩杖
謀國還須早樹人

奉

恩旨詢上園耶

准于初十日後擇吉祭埽蓋以蒙

恩協辦當告墓也且令回京城待十六日入直

聖慈曲體人情教忠教孝眞異數也又蒙

賜鹿肉脯脰乃請假三日于十三日至西山恭紀

我祖宦京師我父卜吉藏是時癸亥冬西山二老莊我
母亦耐左林樹環流蒼丁卯我發科仲叔聯鴻翔諸孫
六舉子五世登瀛航兄墓峙其右遙拱塔鎮岡是皆地
培厚敢曰生才良珪也尤忝竊中外久歷數七十參政
府

絲綸賁潛光

清問告墓榮忠孝教臣坊嘉

賜獲鹿胙泉壤歆馨香扶鳩拜山靈何以贊時康願言
若箕畢良月酬無疆

呂村近不遠金霞山之麓丙申葬我妃婦子班以穆聞
人許孝廉爲我初相卜旣變土色暈太極圓可劍箕仙
爲定時一線日景昱皆云後必大藜枝龍脈簇敢貪天
地隕在德不在祿有如種松柏亦似樹重樛陰陽更乘
除天道有剝復

君恩何以報肉食愧鼎餼朝露與夕陽誰能身障籠我

將于此歸華表焉用龜

西山卽景

清晨過西頂西度盧溝橋是日立冬節暄霽陽月交風
平不動塵山氣清不滄秋雨麥涵潤宰樹青未凋流泉
尚活活遠望宰堵標翁仲與石馬凌煙赫前朝緬彼泰
寧侯靈爽通焄蒿焚如傷林木封樹曾我要七年訪得
之土石填空繆植以松柏槐椿秋爲奠膠臥羊斷華表
隔道跡未消以此感陳人功德誰不祧惟有西山雲無

心吐嶺巖

己丑子官晉藩有神降箕自稱秦寧侯陳珪曰林木焚如亦可憐只今相聚在諸天知公

望重中朝日是我劉郎封樹年比乙未予改官講學爲
亡室陳卜葬地往來山中望先塋東有坵巋然上門定

豁張土人曰此秦寧侯墳也其旁發掘凡十七冢隔道有斷華表臥石羊墳地爲他人耕種子贖之爲墳各穴春秋祠焉種樹今幾三十年望之林立矣

二十四日蒙

恩賜貂裘恭紀

冬寒未戒

賜裘鮮珍重元華稱體便煥映翠雲迎日曜
褻宜紫鳳禦風翩朝正端袞叨榮夙記數連珠
佩榮圓稠疊承恩慙補職願將葵梟勉跼躡

恩賜綠押縫鞞恭紀

鸞鑣扈從近

光華服飾

恩榮到繡韉不覺青雲生履舄由來翠纒

賜官家老慙金鐙難誇健步著羅鳧好印沙從此康莊
欽偃僂敢希鳩杖問年加

韓城太傅奉

恩諭扶杖入 宮門至 養心殿

召見眞異數也爲紀其盛誌心慕焉

引年憲乞 國老崇

詔許扶杖入 紫宮彭觥玉板拜前席

清問眠食康強躬咨俞經國大謨畫

軒皇訪道后牧鴻臣今八秩竊少二策鳩歸詔桑麻豐
知止知足老氏誠杖朝杖國

天光隆明年春山蔓繡野桃竹左右旋河潼生平志不
在溫飽立廷沂國標清風

兩朝元老足矜式廉恥節讓端羣工珪也幸託在姻婭

假年勇退敢後公吾衰久矣恐不逮願以白水明厥衷
奉

命閱八旗恩監卷入貢院卽事東錢輔堂少農王春甫
閣學

鎖院重來越四年老子校閱尚因緣漫論文字衡深淺

那管淘颺計後前 國有明經先造秀士端始進卽儲
賢大生仁德

天心見試看陽回芸荔嬌

再柬輔堂春甫兩侍郎

憶昔同直 承華東風漏銀燭光燒紅花甄步影晷欲
長安車馬爭衢衢十年我持六皖節九華高臥仙人
筇羊城載下南粵水灘桂遙溯星槎通錢侯契闊甫執
手春颿又纜江陰楓封翁自游嵩少返環召起拜參夔
龍茲借信宿那易得人生聚散眞飛鴻一杯相屬本如
此少壯袞袞成老翁鎖闥對餐話疇曩槐閣鴻

冬兩公魁台近咫尺願以直諒將寅恭太平坐致民氣
樂容我扶杖歌衰慵

與韓城相公清談卽景奉簡

門外雪飛翼後堂坐深煖從容敘情話何用感聚散少
壯抒經綸衰老思蕩坦不見積薪者後來方幹幹公望
既卓犖公歸非濡緩徘徊戀

恩遇慙惻謀民瘡從來仁人言用意良在直他時重前
席遠猶佇侃侃

雪詩用蘇禁體物語韻卽柬韓城相公

小雪之望風翦葉大雪之望月映雪今冬應節雪已時

明歲遺蝗種喜絕閉門傾壺渴自斟走馬催詩簡頻折
簾幕重重寒不凝楫拙騰騰煖未滅蜀山那聞瘼犬狺
蔡州早見紅陽掣空外交貫光明燈霄半獨綴莊嚴纈
共欣滲漉徧壤墟可念深埋高潔屑觚稜點滴佇暘晞
後夜中庭誰眼瞥知公不喜作假觀憂樂且舉同民說
請爲彈取黃鍾聲莫教躍出蕤賓鐵

韓城太傅蒙

召見養心殿竝

諭扶杖入內右門恭紀謹次元韻

人望潞公還起洛書陳君爽尚咨周遂初

天意成翔鳳入對

君恩許策鳩榮絕百僚廉讓冠森嚴
三殿拜颺優郵
傳父老河汾外憲養無言卽大猷

恭和

御製經略大臣額勒登保等馳奏川楚大局戡定趕辦
善後事宜詩誌感慰元韻

七載誰分

宵旰憂三人同力荷

皇庥成功真竟

十全志

望捷猶聞五夜猷
凱奏龍飛看掣電
甲韜豹略各班侯
安民從此咸歌德

睿慮方勤幾日酬

虞廷干羽自升華
西北安邊易馬茶
中外太平皆普福
朔南比戶不暎家
符離迅掃支祁盡
粵海傳聞折首嘉
敷錫自天皆

昊順自今欽若保蒼涯

二十六日蒙

恩賜

親書大福字恭紀

捷書連報

大功竣送喜聲中

賜福親五事正陳

保極頌萬方眞見太平春鳳翬腕下瞰初照龍躍池中
筆有神拜手賡颺簪盍慶加年數亥紀茲辰

是日祭亥
明年祭亥

臣辛亥生
七十三矣

題汪比部恩萊根軒讀書圖

讀書識取樂山意宦游勿忘菜味親其人出處已不俗
何必大小分隱淪城南園圃君所戀燕北車馬巷有塵
揚來假觀亦何有齧得菜根香潤身

知不足齋詩集卷第十八終